

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

158. An Episcopus Ecclesiam simplicem jam constitutam erigere possit in
curatam & parochialem, & ècontra parochialem reducere ad simplicem
Ecclesiam.

[urn:nbn:de:hbz:466:1-74477](#)

Quæstio 158. An sicut Episcopus erigere potest novas Ecclesiæ parochiales à fundamento, ita etiam Ecclesiæ simplicem jam constitutam erigere possit in curatam & parochialem; & contra parochialē reducere ad simplicem Ecclesiæ seu beneficium simplex?

1. Respondeo ad primum affirmativè: nimur ob augumentum cultus divini, aliisque legitimâ causâ subsistente. Corrad. l. 3. c. 3. n. 12. Azor. p. 2. l. 5. c. 29. q. 25. & c. 30. n. 3. Garc. p. 12. c. 5. num. 3. Barb. de potest. Episc. alleg. 68. per totum, qui quoque omnes afferunt, non obstat declarationem S. Congregationis, quam refert Garc. & inter cetera sic habet: nec beneficia simplicia in curata converti ab Ordinario possunt. sed quod subintelligatur: cessante causâ & necessitate. Porro parochialis Ecclesiæ erectionis formam vide apud Corr. l. 3. c. 2. n. 11.

2. Respondeo ad secundum negativè: sic enim cavetur expreßè per Trid. sess. 25. c. 16. ne beneficia curata in simplicia convertantur, & si parochialis Ecclesiæ per Episcopum convertatur in simplex beneficium, ipsa conversio sit pro rursus nulla, vide Corrad. loc. cit. n. 13. intelligendūmque hoc ipsum est, ut habet Declaratio S. Congreg. super cit. c. 16. Trid. etiamsi fiat conversio in aliqua tantum parte fructuum parochialis; item ut ne quidem dismembrare possit beneficium curatum, & unire beneficio simplici, etiam ex parte minore fructuum parochia, constituendo beneficium simplex, ut haber altera & tertia ejusdem S. Congregat. declaratio; ac denique ut nequidem separare possit ab Ecclesiæ parochialibus beneficia simplicia sive oratoria iis unita; etiamsi iis separatis parochiales non egeant; ut habet quarta declaratio. Vide has declarationes apud Corrad. loc. cit. & Garc. part. 12. c. 2. n. 87. Posse verò Papam reducere parochiales ad simplicia beneficia, præfertim ubi causa aliqua intercedit, dubium non est, & constat experientiā. Corrad. loc. cit. n. 14.

Quæstio 159. Vnde, & qua constituta Ecclesiæ noviter erigenda cum dicta dismembratione dos & congrua pro sustentatione novi Rectoris?

1. Respondeo ad primum Card. Luc. de decim. d. 12. n. 8. cum ad istiusmodi novas erectiones cum tali dismembratione procedi non soleat, nisi cum minimo, quo fieri potest, antiquæ Ecclesiæ præjudicio, adeo que ut patiatur quidem præjudicium illud diminutionis jurisdictionis populi, alterumque hinc natum diminutionis emolumenterum parochialium; non verò illud diminutionis decimarum, in quo frequenter præcipua parochiarum dos consistit; hinc Ordinarios solere ad istas novas erectiones, quæ sunt cum formalis dismembratione procedere; quatenus illa parochianorum pars vel communitas, quæ id petit, & cuius interest istam dismembrationem fieri ob dicta magna incommoda distantia accedendi ad antiquam parochiam, congrue dote novam parochiam; adeo, ut antiquæ dos illud detrimentum saltē in hac parte non patiatur; possuntque, si necesse est, compellere ad hoc parochianos illos Ordinarii, ut dictum suprà. Quibus tamen non obstantibus possunt iidem Ordinarii, præfertim ubi proventus matricis copiosi sunt, & parochianorum pars illa a vulsa egentior, ex fructibus quomodounque ad

P. Leuren, Fori Benef. Tom. I. 2

matricem pertinentibus hanc novæ Ecclesiæ dotem, & novi Rectoris congruam desumere juxta dicta ibidem.

2. Respondeo ad secundum in genere Azor. p. 2. l. 3. c. 12. dotem parochialis Ecclesiæ debere esse tantam, ut ex ea unus presbyter cum altero Clerico ministro commodè sustentari possit, & quando opus sit, uti hospitalitate, juxta c. 1. de prob. in 6. & c. quisquis, de vita & sanctitate Cleric. Addit C. de Luc. de paroch. d. 18. n. 2. juxta mentem Trident. sess. 7. c. 7. & constitutionis Pianæ, de qua suprà, majorem esse debere dotem Ecclesiæ parochialis, quam congruam Vicarii cujusdam perpetui in parochiali. Porro dum beneficii parochialis ab initio congrue dotati dos omnino, vel ex parte interierit, cuius sic redoret illud, vide dicta suprà.

Quæstio 160. An, & qualiter parochia constituta habere separatum territorium, & quot familiis constare debeant?

1. Respondeo ad primum: parochiam quamlibet regulariter loquendo (quod addo ob parochias distinctas tantum certis familiis, alias promiscue habitantibus) debere habere territorium suum separatum & divisum, in quo non est licitum alteri parochia aliquid facere. Barb. l. 1. juris Ecclesiastici c. 20. n. 15. & apud illum Tusch. l. p. conclus. 95. n. 7. & ali.

2. Respondeo ad secundum: ad minus decem familiis constare debet. Barb. ibid. n. 16. Et licet Corrad. l. 3. c. 5. n. 10. dicat sufficere 10. personas ad constitutandam parochiam, id tamen intelligit de parochia semel constituta, quod ea persistat, modò 10. persona remaneant; nam in fine ejusdem numeri ait paucitatem istam domorum, vel personarum, nempe trium domorum, in quibus sunt Communicantes 15. vel quinque, in quibus sunt Communicantes 20. vix sufficere, ut parochia erigatur, juxta cap. unic. 10. q. 5. & Gl. ibidem.

Quæstio 161. An, & qualiter fines parochiarum prescribantur?

1. Respondeo primò: fines parochiarum (idem est diœcesis) dum clarè & manifestè distincti sunt, non præscribuntur. Barb. loc. cit. n. 28. citans Menoch. conf. 147. n. 44. cum enim in utilitatem publicam autoritatē publicā sint constituti & distincti juxta c. 1. d. 80. & Trid. sess. 14. c. 9. & sess. 24. c. 13. sunt immutables, ne alias privatæ cū jusque præscribitis autoritatē sublati antiquis paffum novi constituti tam in jurisdictione, quam reliquis ad publicam utilitatem spectantibus frequentem & maximam confusionis & incertitudinis pariant occasionem; secūs ac contingit in finibus prædiorum, utpote qui privati tantum juris privatæ cū jusque autoritatē constituntur & mutantur juxta l. 1. c. finium regundorum. Unde licet intra fines parochia vel diœcesis admittatur præscriptio ad effectum, ut præscribens intra illos obtineat jurisdictionem, vel jura Episcopalia, vel parochialis juxta c. ad aures. de prescriptione: fines tamen ipsi præscribi non possunt, ut designant esse, qui ante erant, vel restringantur, & alii extendantur, & sint, ubi non erant. ita ferè Barb. ibid.

2. Respondeo secundò: si tamen fines diœcissum vel parochiarum non sunt certi, præscribuntur 30. annis, intra limites tamen tantum ejusdem provinciæ. Barb. n. 29. citans Menoch. &c. si tamen Episcopus locum alterius diœcesis convertit